


**FORTUNA AUREA
AUGUSTORUM
SAXONIAE EX
CONNUBIO
FAUSTISSIMO...**

Christoph Friedrich Ayrmann,
Valenti Gonzaga





sunt, admiratio : manifesto argumento, eos tantummodo, quibus in hominum cordibus pietas religioque iustæ laudis statuas collocauit, communi mortalium conditioni exemptos censerī, perpetuoque duraturis feræ posteritatis annalibus inscribi. Ad summum iam patria nostra fortunæ ac felicitatis fastigium ascendisse uidetur, cum tantam ad pristinam Serenissimorum suorum Principum fortunam accessionem factam esse stupet, ut quæ iam pridem antiquæ Domus Saxonicæ sortem superauit, se ipsam quoque in posterum non immerito superatura iudicetur. Quominus audebit deinceps prisca gentis nostræ felicitas cum recenti fortuna certamen experiri, quandoquidem Principum fortuna nostra est. Talibus enim profecto nos diuina clementia Principibus beauit, qui cum paterno plane subditos suos affectu complectantur, eorundemque fortuna non aliter afficiantur ac sua, hoc uicissim a nobis uniuersis ac singulis iure quodam suo consequuntur, ut eorum non modo fortunam, sed uitam quoque et incolumitatem nostram reputemus, et si quid ex communi ipsis omnium uoto propriæque mentis sententia obtigerit, id omne nostrum interpretemur. Quod quidem arctissimum publicæ priuatæque fortunæ uinculum quid aliud nobis, quibus tam fortunato Principum nostrorum fortuna seculo soloque natis futuram

harum in terra sunt, quibus etiam presentis datur, per
fructus debuit quantum quocumque possumus ratio-
ne, et multis modis esse existimemus, ut sum-
mam hanc deum etiam feliciter, per se quidem
miri uideant, et posterorum tamen etiam, nascenti-
dorumque post infinita, si qua forent, secula nepo-
tem oblivione nudemus. Intuemur oculis no-
stris et suspicimus ad cunctam usque futuri sui suc-
cencia crescentique indicia Regie magnificentie
et splendoris opera. Sed si post magnum aliquem
innumerabilium annorum orbem neminem extitu-
tum singamus, qui uestigia hanc esse presentium
temporum meminissetque eloqui posset, creda-
mus tantarum molium extructione prouisum fa-
ctum fuisse conditoris immortalitati? An uero exi-
stimus ipsam, qua nunc gaudemus, nostrorum
Principum patrumque felicitatem omnium etatum
gentiumque oculis obuersuram, si idoneis pre-
comibus laudatibusque destituatur? Vnus hic est
precipuus sermonis et orationis usus, si ingens il-
lus futuri uirtutis beneficium ad Principum pre-
sentem patrumque utilitatem conuertamus, eo qua
respectu nullis conuiliamus securamque futuri ui-
tam. Atque ut Regum Principumque est, factorum
operumque magnitudo et excolenda no-
men sibi famamque sempiternam parere, ita sub-
ditorum est officium, singulam monitum istarum

rerum memoriam grata mente conseruare, eandemque ad posteros propagando immunem præstare ab obliuione & mortalitate. Hoc igitur dignum adeo bono ciue munus ego quoque in præfenti tentare ausus, si rem suscepisse uiribus maiorem, ac successu operis optato caruisse uisus fuero, me tamen partim rei ad dicendum propositæ magnitudine, partim consilii institutique mei honestate excusatum iri confido, ut qui non aliam desiderem conatus huius experimentique mercedem, quam ut non quidem eloquentiæ, cuius exiguam in me facultatem esse scio, sed pietatis saltem in Principes patriamque perspicuo hoc et sincero testimonio declaratæ laudem mihi reportare liceat. De quo eo minus dubitationis foueo, quod ad dicendum non casu delatus, non ambitione inflatus, non audacia impulsus, non proposito denique externæ gentis more præmio inuitatus, atque ad feruilem quandam adulationem inductus sum, sed ultro, ac liberali plane ingenuoque animo, solumque publicæ lætitiæ et innati in Principes patriamque studii et amoris sensu, neque illaudabili meorum ciuium, quibus eandem mecum sententiam, par meo gaudium, communis exultationis commercium esse intelligo, æmulatione permotus ad id accessi.

Video

eamque auream nuncupando, non solum eodem il-
lam, quo olim aurea Augustorum Imperii Romani
Cæsarum fortuna affecta est, sed maiori etiam hono-
ris ac religionis cultu uenerabor. Tu uero summe
salutis æque ac fortunæ nostræ autor statorque cœ-
ptis meis aspira.

Præcipua semper antea hæc mihi Regis nostri Se-
renissimi fortuna uisa est, quod talem genuerit et e-
ducarit Principem, qui non solum post ipsius fata
certus et indubitatus esset paternorum bonorum ti-
tulumque hæres, sed eo uiuente adhuc, tantæque
suæ felicitati superstite, preciosissimam illam diuinæ
in Parente indolis uirtutumque uere regiarum hære-
ditatem adiisset. Quanta uero uicissim Serenissimi
Principis Regii censenda fuit felicitas, quod a Paren-
te natus sit ipsa fortuna et uirtute superiore. Inane
uanumque est in Regibus præsertim Principibusque
uirtutis ac fortunæ nomen, nisi quam referat insigni-
atque secum coniunctam habeat ingenii rectitudi-
nem excellentiamque, consiliorum præstantiam et
circumspectionem, factorum honestatem et magni-
tudinem, gratiam denique ac fauorem cœli. Abdu-
camus paulisper a ceteris curis et cogitationibus
mentem ad solam huius non simulacri, sed ueræ ui-
uentisque uirtutis ac fortunæ contemplationem, ut
perfecta nobis et absoluta eius forma speciesque in-
notescat. Euoluamus præteritorum præsentiumque
tempo-

temporum, nostræ item exterarumque gentium annales, atque in secretiora etiam Principum cubicula penetrare studeamus. Comparationem denique historiæ domesticæ cum externa, recentioris cum antiqua, instituamus, et neminem unquam cum Serenissimo nostro Rege aut naturæ perfectione, aut universæ uitæ actione parta et confirmata prudentia, iustitia, fortitudine, magnitudine animi, aut denique felici euentuum successu comparandum, eoque non dicam superiorem, sed neque parem fuisse apparebit. Dispersa hæc animi et fortunæ bona diuisaque per plures Regum Principumque inuenire licet, sed in quo tam suauis concordia et complexu mutuo singula connexa et copulata reperias, alius uix occurret. Quod meum de Serenissimo nostro Rege iudicium ne cui ad adulationem plausumque fictum compositumque uideatur, repetamus tantummodo superioris temporis actorum memoriam, spectemusque integri, et sapientissimi semper, qua meliorum fuit partium, in Principe æstimando deligendoque populi dignum fide et autoritate suffragium. Nonne in tanto patriæ auitæque libertatis studio, tantoque regni candidatorum numero, omnis eum laudis mensuram impleuisse oportuit, cui natio imperio alieno falsisque persuasionibus parere nescia, neque minus idonea ueræ in Regibus Principibusque uirtutis arbitra, posthabitis reliquis, regnum ultro detulit, carissimumque

B

liberta-

libertatis suæ depositum asseruandum tradidit tuendumque? Quod si uero præterea diuini aliquid mortalium mentibus inesse fatendum est, superioris utique cœlestisque potestatis de Serenissimo nostro Rege sententia censeretur debet, quod iam diu stabilis et fixa omnium insedit mentibus opinio, cum non Regio solum, sed altiori quoque folio esse natum. O fortunatum uirtute sua Principem, cui diuina æque ac humana fauent et inferuiunt iudicia! Quid porro de fortuna Regis nostri dicam? quam ille uariam expertus, dum in utraque se eundem semper præstitit, neque unquam a secunda sese deferi, neque opprimi ab aduersa passus est, nonne qui in potestate sua fortunam habuit, tanquam superiorem fortuna admiremur? Certissimum hoc est uirtutis ueræ indicium præmiumque, ut cultores eius et possessores tandem aliquando extra consuetam fortunæ aleam positi, tuti ab iniuria casus et ludibrio consistere uideantur. O fortunatum igitur ipsa fortuna sua Regem! O incomparabilem plane Principem! Equidem non diffiteri possum, antiquos illos, et ætate magis quam alia re superiores Serenissimo nostro Rege Saxonix Duces et Principes non uniuersos solum, sed etiam singulos sæpe exemplum ueræ absolutæque uirtutis, quam exteri quoque in eis mirarentur, extitisse. Sed maius tamen perfectiusque longe uirtutis exemplar in præfenti Serenissimo Principe intueri licet, utpote qui
omnia

omnia maiorum suorum decora et ornamenta unus complexus est. Suspicimus enim in Serenissimo hoc FRIDERICO simul omnes antiquos Fridericos, quorum aliis Grauis, Strenui, Bellicosi, aliis Pacifici, Sapientis, Magnanimi cognomentum sua cuiusque uirtus comparauit. Veneramur in eodem ueterem illum Augustum, ut primum nouæ nostrorum Electorum Familiæ genitorem, ita nulli, excepto Serenissimo nostræ ætatis AVGVSTO, uirtute et gloria secundum. Ab hoc sine dubio ingenua et occulta quadam ratione posteritati ipsius implantata est sublimis illa et erecta indoles, ac magnitudo animi regio etiam sanguine non indigna, tum recti studium et subditorum amor, quorum uitam moresque optimis institutis et legibus tam sapienter tamque sedulo formauit, ut nouam ab eo demum tempore melioremque priori faciem Saxonia nostra sortita uideatur. Ab eodem cum natalibus suis naturæ bonitatem et excellentiam, eundemque semper uitæ tenorem traxerunt Christiani et Georgii, quorum merita præsens ætas nostra colit, futura deprædicabit, perfectum uero omnium exemplum in Serenissimo nostri æui AVGVSTO admirari nunquam desinet. Quamobrem unicus hic ex omnibus Regibus Principibusque dignus mihi semper uisus est, quem Cæsaris Romanorum Augusti, idonei quondam uniuersi propemodum terrarum orbis domini ac rectoris nomine, Felicisque eius successorum

titulo, cohonestemus. O fortunatum tanto Parente non paterni saltem nominis Saxonique Electoratus, sed Regiarum inprimis uirtutum felicitatumque hæredem! Si ex pueritiæ primæque adolescentiæ moribus certum de hominis indole futuroque uiuendi instituto capere licet argumentum, perpetuam Saxoniam paremque semper priori felicitatem iam tum spondebat ac pollicebatur rectum Serenissimi Principis ingenium, rectaque educatio, cum puerum adhuc similem quondam Parentis fore præfagire uidebatur. Est tamen utique reliquis etiam dandum aliquid omnibus, quamuis ratio sæpe et causa eorum indagari nequeat. Nulla enim mihi relinquitur dubitatio, quin illa interpretatio diuinæ mentis fuerit, quam fidelium quorundam subditorum pietate expressam argentoque inscriptam esse recordamur, cum primum alter hic Saxoniam FRIDERICVS AVGVSTVS in lucem ederet. Nam pro uero Principis modo nati nomine occulta quædam ratio FVTVRVM ACHILLEM Saxoniam, seruata primarum literarum conuenientia, suggerebat. Achilles uero iam priscis temporibus pro exemplo habebatur Principis omnibus numeris absoluti, qui præsentem rectumque ciuium suorum statum conseruaret, corruptum emendaret, res inclinatæ ac labentes ope sua, consilio auxilioque in pristinum uigorem attolleret erigeretque. Quæ omnia, et maiora forsan, in Serenissimi nostri Principis nomine

mine tunc nobis fata promittebant. Sed hætenus quid sperandum de Serenissimo Principe fuerit exposui, iam quid de eo in præsentī constet, paucioribus tamen quam rei dignitas postulat uerbis declarabo, ut concordia ominis cum euentu nouæ lætitiæ materiam nobis subministret. Obseruamus eum in primæ adhuc ætatis flore constitutum, nihilominus tamen uirilis in eo uigor, ac senilis prudentia, partaque longinquis imprimis et diuturnis peregrinationibus cultissimorum maximorumque regnorum ac populorum notitia, quin imo ipso usu confirmata imperandi scientia, iam diu dignum eum præstitit, qui non solum a subditis suis, sed ab integris aliquando populis ac nationibus idem, quod Serenissimus Parens meruit, uirtutis ac fortunæ testimonium præmiumque consequatur. Neque ignota hucdum atque illaudata etiam apud externos Regia illius indoles permanfit. Mirantur eum et stupent Bataui, Galli, Itali, aliique, quorum oculis eum aliquandiu obuersatum esse scimus. Absentem quoque neque unquam uisum uicini his populi uenerantur, apud quos fama inusitatarum in Principe nostro uirtutum eundem quem apud alios præsentia effectum habuit. Præsentem uero, atque in sinu suo genitum et educatum exosculatur Germania, amorisque sui quod potuit amplissimum ipsi pignus tribuit, dum Augustæ Serenissimæque Domus Austriacæ fauorem ei studiumque conciliauit. Ad

fastigium scilicet fortunæ suæ nostri Principes sine Augustissimi Germaniæ nostræ Cæsaris, Familiæque Augustæ gratia et fauore ascendere haud poterant. Vt enim fortuna nostra a Principum nostrorum felicitate pendet, eaque incolumi neque metu neque damno affici potest, ita felicitas nostrorum Principum Cæsarium inprimis Austriacorum amicitia coniunctio- neque non solum augetur et amplificatur, sed etiam læta semper constans et perpetua redditur. Hic sensus, hæc opinio, non casu et temere enata, sed certissima publicæ utilitatis euentuumque successus ratione explorata, a multis abhinc annis tam alte animis Serenissimorum Saxoniae Electorum insedit, ut eis diuino quasi consilio inserta esse uideatur. Nondum longinquitate temporis ex hominum mentibus deleri et extirpari potuit memoria antiquæ Cæsaris in ueterem Saxoniae Electorem iræ atque inimiciæ, uniuersæ sine dubio et antiquissimæ Domui ruinam perniciemque immissuræ, nisi cœli fauor, et clementia Cæsaris obstitisset. Quamquam non sine supremi nûminis uoluntate accidisse hæc res putanda est, ut scilicet uniuersa aliquando Saxonia præsentem in Serenissimis suis Principibus, Serenissimorumque nouæ Familiæ conditorum autorumque recordatione felicitatem adipisceretur. Ad quos postquam diuino nutu, Augustissimique Imperatoris singulari beneuolentia Electoratus Saxoniae translatus fuit, pariter et lachry-

lachrymas illas ueteres absterfas, et suppressa suspiria, et extirpata funditus exitium mox tractura dissidia apparuerunt. Quem saluberrimum et Serenissimæ Domui, et uniuersæ Saxoniae, Augustæ illius amicitiae fructum grata mente noui semper Electores agnouerunt, ac tanquam præcipuum fortunæ suæ præsidium et firmamentum Serenissimam Domum Austriacam amplexi sunt et coluerunt. Primus iam Electoralis Familiæ Parens Augustus abunde expertus est summam obseruantiae suæ utilitatem. Vix ille ad nouam dignitatem fraterna morte ascenderat, cum molitionibus hominum nouarum rerum cupidorum tentabatur. Actumque fuisset de recenti Imperatoris in ipsius fratrem beneficio, nisi in eodem, qui contulerat, tutissimum salutis suæ portum firmamque dignitatis anchoram Augustus inuenisset. Sed si nulla quoque habenda esset priuati alicuius commodi ab Augustissimis Imperatoribus consequendi ratio, perpetuum tamen Electorum cum Imperatore consensum in eumque pietatem et obsequium postularet Imperii Germanici, cuius ille caput est, arctissimus cum eo nexus, et antiquissimum illud regni amplissimi uinculum. Hæc non Imperii solum, atque ex consuetudine reperita, sed æterna honestatis lex est, quæ non temere, nec sine urgente necessitate deferi ac uiolari debet. Sed persuadent etiam perpetuam Imperii erga Domum Austriacam præsentemque potissi-

tissimum Augustissimum Imperatorem fidem et ob-
seruantiam summa eius potentia et inusitata felicitas,
atque in uniuersum Imperium merita studiumque,
quod uiuentem adhuc fruētemque sua gloria CA-
ROLVM iam dudum immortalitati consecrat, cœ-
lestiumque ascribit numero. Quorsum etiam aliæ
quædam secretioresque Serenissimæ inprimis Domus
Saxonica rationes accedunt, quas nostri Principes
iam pridem partim ex uicinia terrarum, partim ex
aliis rerum momentis prudentissime collectas summa
cum solertia subduxerunt. Istud profecto manife-
stum et exploratum est, sine Imperatorum Austria-
corum amicitia nunquam patriam nostram satis tu-
tam et tranquillam esse potuisse, quæ contra in sua-
uissima illa communium Principum concordia mol-
liter omni tempore requieuit. Quid iustius igitur,
quid sapientius Serenissimis Saxoniae Electoribus fin-
gi et excogitari potest, qui de obseruantia semper in
Augustam Domum Austriacam honestissima æmula-
tione cum aliis decertarunt. Tanta fuit Christiani
secundi huius nominis Saxoniae Electoris in Augustos
Cæsares, quorum conciliator etiam aliquando exti-
tit, pietas, ut secundum Deum Cæsarem sibi colen-
dum ac uenerandum putarit, eandemque sententiam
uerbis expressam symboli loco usurparit. Quam
quidem sententiam Serenissimum eius Fratrem et
successorem Georgium in uestibulo conclauis suæ
aureis

aureis inscribi curasse literis, eiusque quamdiu uixit obseruantissimum fuisse legimus. Cui studiosissimo Domus Austriacæ Principi quantum Matthias et Ferdinandi duo Augustissimi Imperatores debuerint tribuerintque, ex altera parte repetitum Vicariatus munus, ex altera uero non infrequens Cæsarum hospitium testatur. Testes summorum eius in Austrios meritorum sunt clades Boiohemicæ, concessaque Electori in præmium laboris impensarumque Lusatia. Et quamuis ineuitabilis plane necessitas eum ad arma traheret compelleretque, Cæsaris tamen per medios enses æque ac pace reconciliata fidissimus permansit amicus. Eadem quæ Patri, Serenissimo eius Filio et Successori mens fuit, idem in Austriam studium, cuius perspicuum argumentum tam diu præbebit Leopoldi electio, quam diu gloriosissimi huius Imperatoris extabit memoria. Quem ille præterea ope consilioque contra Turcos Gallosque strenue adiuuit, fideique erga Imperatorem frustra per hostes sollicitatæ æternum monumentum posuit, exemplo et incitamento futurum posteris, ne unquam ab obsequio Augustissimo Imperatori præstando temere recedant. Quid de Ioanne Georgio tertio huius nominis Saxonæ Electore dicam? cuius in Domum Austriacam propensio animi omnibus eius maiorum studiis palam præripuisse uideri poterat, nisi huius uictoriæ gloriam fata ætati nostræ reseruassent. Rei commu-

nis ille studiosior, quam propriæ priuatæque, non breue uitæ suæ in officio Cæsari Imperioque probando tempus consumsit. Cuius profecto a Turcis tunc Gallisque infestati præcipuus semper hospitator extitit. Iam Vindobonam usque atrocissimus Christiani nominis hostis perrexerat, et de expugnanda urbe cogitabat, cum inter primos ille libertatis ac salutis Austriacæ uindices ab Italis etiam scriptoribus numeratus, hostium munitiones perrupit, magnum eorum concidit numerum, castris eos exuit, ac bellum deinceps in Hungariam procul ab urbe disiecit, campis Budensibus, quos infidelium sanguine mædificit, egregium eius fortitudini fideique testimonium apud seram Cæsarum posteritatem exhibituris. Gallis interea, perpetuis olim potentiae felicitatisque Austriacæ æmulis ad arma reuersis, iamque in viscera Germaniæ sæuituris, mascule se opposuit, Moguntiam eis eripuit, aliaque uirtutis suæ edidit specimina, quæ adhuc omnium sermonibus celebrata narraturi diligentiam uix admittunt. Quæ eadem nobis debebat esse ratio, cur a Serenissimi nostri Regis in Augustissimum Imperatorem Austriosque studio deprædicando abstineremus. Sed uenia admirationi iustæ danda est, quæ rerum magnitudine excitata, quamuis præsentibus illæ sint neque ignotæ, noua tamen semper et repetita earum contemplatione alitur et augetur. Obuersatur
omnium

omnibus meritis Serenissimi nostri Regis cum
Augustissimis Imperatoribus amicitia, in ipsa eo-
rum auctoritate, plene iuncta, suauiterque deinceps omni
tempore collata et prorogata. Regium est, benefi-
cium in se collatum non statim maiori que bene-
ficio compensare. Quamvis itaque Augustissimo Im-
peratori Serenissimus noster Princeps acceptam
retulerit gratiam, eam in bello cum Turcis geren-
do, cum ipso a Cesare praefectus fuerat, abunde re-
dedit. Testis prudentiae eius, et fortitudinis, est
Transylvania metu vicini hostis ab eoliberata. Ar-
bitra uictoriarum Hungaria, oppletis hostium oc-
cisorum armis et cadaveribus agris, ipsiusque manu
interfecto aduersarum partium duce. Quibus re-
bus praclare gestis, si ueterum Romanorum exer-
citiis praefuisset, dignum omnino sese praeiisset,
qui aureo inuectus curru opimae Ioui Feretrio spo-
lia unus ex paucis dedicasset. Quam uero in bel-
lo Augusta Domus probauit fidem et obseruantia-
m, eam in pace quoque nullo non tempore exhi-
buit. Haec officia in Augustissimum inprimis no-
stra teritis Imperatorem CAROLVM perpetuae
Serenissimo Regi nostro gloriae futurum ipse Vi-
carium decorant, et maximo sunt reliquae eriam
uitae ornamento. Omnia uero in Austriae studio
hoc sane longissime superat, quod Serenissimum
Principem Regium, cervissimumque paternarum

uirtutum hæredem, a teneris statim colendo Augustissimo Imperatori Familiæque Augustæ assuefecit, ac ne quando tam necessaria utriusque Serenissimæ Domus coniunctio intermitti tolliue posset, aptissimum illud amicitiae perpetuo continendæ affinitatis uinculum expetiuit. Nonne probatissimi eum erga Domum Austriacam moris affectusque fuisse oportuit, cui optimo iure meritoque in connubium concessa est Augustissimi quondam Imperatoris IOSEPHI Filia, exemplum omnium quæ Principes ornant et perficiunt uirtutum, absolutissimarumque sui sexus feminarum regina, neque nisi Imperatoriæ indolis marito digna? Gaudete ergo præsentī Vestra ad summum perfectionis culmen perducta fortuna, Serenissimi Saxoniae AVGVSTI. Quod enim amplius Vobis illustriusque Vestri in Domum Austriacam studii officiique premium sperandum supererat, quod certius desideratiusque amicitiae Augustæ perpetuo duraturæ pignus in gremio Vestro deponi poterat, quam si ipsa Summi Imperatoris Filia, in spem non defecturæ, atque ab utraque in posterum Serenissima Domo origines suas repetituræ sobolis, alteri adoptanda, alteri socianda traderetur? Hanc sine dubio Vobis Deus immortalis felicitatem in optatam uirtutum uere Regiarum mercedem, fortunæque Regiæ complementum reseruauit.

Qua-

Quapropter, uero non aberrauero, si hanc Se-
necianissimam patriæ nostræ AVGVSTORVM
fortunam, cum reliquis felicitatum, quas hactenus
profecutus sum, uel potius attigi, generibus com-
paratam AVREAM appellaro. Quemadmodum
etiam aurum et natura sua, et externa specie ac ni-
tore, et singulari denique eius usu pro præstantissi-
mo omnium metallorum haberi solet, ita præsentis
Senecianissimorum Principum nostrorum fortuna cun-
ctis præteriti futuriq; temporis collata felicitati-
bus humanas de eis spes et opiniones non uincere
totum uidetur, sed etiam re ipsa superat, atque ad
conservandum quoque conservationem quam maxime
utilis est et necessaria. Pleraque antiquarum, qua-
rum religionibus deditæ fuerunt, gentium pars for-
tunam pro numine quodam, uel summi cuiusdam
hominis potestate habuit, quæ rerum humanarum
euentus regeret et moderaretur. Quam illa ob
rem pro moribus temporum uario etiam honoris
potusque diuini genere affecta est. Romanorum
ratio in reliquis superstitionibus mirum in modum
se dedita, ita complures quoque Fortunas, ha-
nque centum propemodum templa, aras, statuas
collocuit et uenerata est. Præ reliquis tamen san-
ctæ apud eos fuit aurea Fortunæ in secretiori Cæ-
saris Augustorum cubiculo religiose cultæ effigies,
quippe a qua omnium fortunarum et Imperii in pri-

mis perpetuam prosperitatem repetere et expectare uidebantur. Hanc ob rem ipsi Augusti Cæsares morti propinqui auream hanc Fortunam, tanquam arcanum quoddam Imperii, a fidissimis hominibus sedulo et diligenter asseruari atque ad successorum transferri cubacula curabant. Quo meliori iure nos, quibus Fortunam Serenissimorum nostrorum **AVGVSTORVM** nostram appellare datur, et qui aurea nos fortuna eorum aurea existente secula adeptos esse credimus, diuino, si liceret, honore afficeremus Serenissimam Austriæ Archiducem **MARIAM IOSEPHAM**, proximi Deo Augustissimi Imperatoris Filiam. A qua cum iure meritoque omnis præteritæ felicitatis complementum, auspiciatissimumque futuræ principium repetendum, optandum, sperandumque nobis sit, nonne hanc ipsam, quæ auro præstantiorem Principibus nostris fortunam conciliat, eodem more, quo obseruantissimus olim suorum Cæsarum populus, **AVREAM AVGVSTORVM** nostrorum **FORTVNAM** nuncupemus? Qua uero ratione, quibus uocibus, quo gestu, declarabimus Tibi, Serenissima Princeps, honorem illum diuino proximum, quo Te mentis nostræ pietas religioque colit et ueneratur? Etenim Te non solum in sanctiori Palatii parte nostri Principes arcano quodam sacrorum ritu colunt, Tibi subditorum quoque studium publice priuatimque innu-

innumeras dedicat ædes, aras, statuas. Iam dudum
corda Tibi nostra communis omnium in Te amor
uouet. Hæc Tibi in præsentī templa singulorum
reuerentia consecrat. Indignum hoc putare noli
summa Tua dignitate ministerium. Immortale
enim quiddam huic inest seruitio, quod breui unius
hominis uitæ spacio terminari nescit. Ad seram
quoque posteritatem eorum cultus propagatur et
religio, quibus talia olim templa ipsorum merita ex-
truxerunt. FORTVNAM TE appellamus AV-
GVSTORVM nostrorum AVREAM, sed præ-
terea ex ueterum Romanorum ritu BONÆ SPEI
et SALVTARIS cognomentum addimus. Quid
ex usu Principibus, quid patriæ, quid nobis futu-
rum de Te speremus optemusque, ex publica Sa-
xonix intelligis lætitia. Eandem igitur Te sem-
per præsta, quam nobis læta omnium omina et au-
spicia pollicentur. Nihil a more priscae religionis
alienum abs Te petimus. Quamuis enim talem
putarent ueteres esse deorum naturam, ut eos non
nisi bene et clementer posse mortalibus facere, no-
stræque adeo admonitionis minime indigere existi-
marent, quoniam tamen aliquando nostra ipsorum
culpa mala sequerentur, pro his saltem declinandis
auertendisque deos officii sui admonendos esse sta-
tuebant. De Te uero, ut quod res est dicam, ma-
ius omnino quiddam speramus, confidimusque Te,
neque

neque si quid a nobis commissum fuisset, quamuis posses, bonitatem Tuam, clementiam et salubritatem esse mutaturam, neque si uelles non mutata prius natura Tua posse. Quam igitur, qualemue Tibi porro in perpetuam diuinæ huius indolis memoriam fingemus collocabimusque statuam? Auro argentoque, ut bene nouimus, pietatem nostram non metiris, multoque minus nostra talibus rebus indiget religio, quæ non manuum nostrarum opus est, aut facultatum sacrificium requirit, sed æternitatem consecuturo piæ mentis exercitio contineatur. Interea tamen nescio qua ratione animus noster imaginum quarundam contemplatione delectetur, quas humanum aliquando ingenium artificiose efformauit. Hac animi uoluptate si mihi in præsentis perfrui liceret, elegantissime expressam Romanorum ueterum acumine Fortunæ speciem Serenissimæ Archiduci paulisper circumponerem indueremque, non quasi cultus noster talia desideret, sed ut cum muta quadam inanimataque effigie comparata uiua ipsius loquensque pictura in cogitationibus nostris absolutior præstantiorque appareat. Admodum usitate autem ita olim Fortunæ simulacrum effingebant, ut manu sinistra cornu Amaltheæ teneret, dextra uero naus gubernaculum gereret. Et cornu quidem istud in fabulis a Ioue ipsius nutribus hac concessa facultate traditum fuisse dicitur, ut

ut, quodcunque optarent, capere exinde possent. Hoc igitur in manu Fortunæ collocabant, ut quæcunque homines uellent et cuperent ab illa accipi et donari sibi posse crederent. Sed clauum præterea dextræ apponebant, ut in manibus et potestate Fortunæ omnia sita esse intelligeretur, quæ cornu contineret, ab eaque, quibuscunque uellet, posse pro lubitu distribui. Iam pridem abs Te, Princeps Serenissima, plura et maiora expectamus, quam quæ olim Amalthææ cornu in se comprehendere putabatur. Omnium enim et singulorum felicitatem Principum nostrorum fortuna complexa est. Quam cum in Tua esse potestate, atque abs Te ut uisum fuerit augeri ac minui posse uideamus, nonne iure meritoque publicæ Saxonix felicitatis puppim curæ Tuæ commissam esse statuamus? Quod cum ita sese habeat, quid amplius nobis superest, quam ut Te precibus nostris ueneremur, uelis, quæcunque e re sua Principibus patriæque esse uidebuntur, quæcunque uniuersi ac singuli commodis suis profutura cupient optabuntque, larga in eos manu effundere, neque desertam abs Te felicitatis nostræ nauim incertis uentis ac fluctibus committere, sed pro Fortunæ bonæ spei ac fa-

D

luta-

lutaris more , quam ueteres quadrato saxo in-
hærere fingeant , non ipsa solummodo Ti-
bi semper in benefaciendo cupiendoque
constare , sed nobis quoque constantem pro-
curare , perpetuoque duraturam felicitatem.
Memoriæ proditum ab antiquis scriptoribus le-
gimus , apud Romanos aliquando aureas For-
tunæ effigies in folio Iouis Capitolini , quem illi
tanquam Optimum Maximum ceterorumque
deorum regem et principem præcipuo honoris
cultu afficiebant , collocatas fuisse. Quodnam
conuenientius Tibi sit , Serenissima Princeps ,
hoc summi numinis consortio ? Abs Te enim
secundum Deum immortalem ut multa alia ,
ita istud inprimis , quod sæpius commemora-
ui , summam omnium reliquorum complexum
bonum petimus. Societatem præterea Fortu-
na in Templo Iouis Capitolini aliorum quoque
deorum dearumque inueniebat. Hic enim iam
priscis temporibus Terminus et Iuuentus substi-
tisse ferebatur , quibus deinceps Iuno ac Mi-
nerua , aucto denique illata aurea Victoriæ statua
horum numinum numero , accesserant. Veniam
nobis , Serenissima Princeps , dabis , si Tibi quo-
que , quæ dudum conuictu superum digna es ,
eosdem non quidem socios nostræ uenerationis ,
sed

sed simulacra quasi Tui muneris, aut, si quidem talibus indigeres, exempla, adiungamus. Terminus apud Romanos stabilitatem securitatemque Imperio ac saluti publicæ largiri putabatur. Abs Te sicuti Principum nostramque, felicitatem repetimus, ita firmamentum eius perennitatemque expectamus. Iuventus serena neque in rugas contracta fronte, hilari facie, vultu benigno, eademque semper fingeatur. Te nobis propitia mutationem in posterum fortuna nostra haud metuit, neque iniquitatem casus horret. Cœptum semel Te nobis annuente cursum haud deseret, et qualis iam nobis arridet, talis omni tempore permanebit. Iunonem ueteres non Lucinam tantum, id est quæ uitæ lucisque mortalibus afferret beneficium, sed Sospitam quoque et Conseruatricem appellarunt. Te, Serenissima Princeps, proximi a uita beneficii, felicitatis scilicet nostræ autorem nominamus et colimus, Tibi tutelam committimus rerum uita cariorum, præsidio Tuo nos fortunasque nostras commendamus. Verendumne nobis aliquando erit, ne concepta de Te spe uotoque excidamus? Suspiciamus certe in Te Consilium, quod a Fortuna plerique ueterum excludere solebant. Hoc Tibi, nullis alioqui

subiectæ legibus, admirabili plane exemplo
imperare cernimus, ita ut non saltem in con-
tubernio Mineruæ, quam ueteres prudentiæ
deam et autorem esse statuebant, educata, sed
ad ipsius prudentiæ formulam ficta et com-
posita esse uidearis. Hac una re ipsa deni-
que Victoria maior ferream necessitatem, du-
rasque, quibus nulla pars temporis uacat, fa-
torum leges felicissime superabis. En iucun-
dissimum plane in sola Serenissima Archidu-
ce Austriæ plurium diuinitatum consortium!
En speciem Fortunæ auro præstantioris! A-
cerbe mecum dolent omnes Serenissimi Po-
tentissimique Regis nostri subditi, quod Regio
illius fortique, quo præsentī communique Sa-
xonix Fortuna digne frui possent, animo de-
stituantur. Pleraque enim mortalium regnan-
di artis imperitorum, neque ad summa nato-
rum pars ita affecta est, ut rebus secundis at-
que ad uotum fluentibus diffidentius utatur,
et quotidie nouæ mutationis metu ac suspi-
cione angatur et horreat. Quapropter an-
tiquis etiam temporibus cum Fortuna con-
iunctam esse Fidem memoriæ proditum legi-
mus, ut hoc quasi symbolo id demum uerum
esse bonæ Fortunæ indicium ueteres signifi-
carent,

carent, si, quos fortunatos fecisset, eos non solum semper et ubique tales præstare posset, sed etiam uellet: quorum alterum Fortunæ, alterum Fidei esset proprium, quam sæpissime a Fortuna abfuisse ex euentu cognitum sit perspectumque. Nisi excusationem meretur, ueniam tamen certe consequetur nostra sollicitudo et diligentia, qua præsentī temporum felicitati diffidentes, futurique curiosi, Auræ Serenissimorum nostrorum AVGVSTORVM Fortunæ Fidem adiungimus, eamque ut fida semper alterius comes esse uelit precamur. Quibus precibus cum ipse Deus immortalis annuat, ad postremum denique pietatis nostræ munus accessum facimus, Auræque AVGVSTORVM nostrorum Fortunæ aras ponimus, non marmore excisas, non uictimarum sanguine imbutas, non thure oneratas, non florum breui marcescentium honore redimitas, sed oris nostri ministerio ut extructas, ita ex imo pectore enascente fidei, amoris nostri et obsequii prouentu cultas, auctas, cumulatās, ueterumque more talibus inscriptas et consecratas uerbis,

HAS. TIBI. ARAS
AVREA
AVGVSTORVM. NOSTRORVM
FORTVNA
SAXONIAE. TVAE. PIETAS
DICAT. DEDICATQVE
VTI. SIS
VOLENS. PROPITIA
PRINCIPIBVS. SVBDITIS
VNIVERSIS. SINGVLIS

Has aras quoniam in communi Dei immortalis templo collocamus, non immerito easdem precibus ad eum pro Aurea Serenissimorum nostrorum Principum Fortuna fufis initiamus. Auro ut nihil præstantius, ita durabilius nihil esse solet. Perpetuam ergo conferua Deus immortalis semperque duraturam Serenissimorum Principum felicitatem. Ipse ut constantiam, ita Fidem ei adhibe culpari metuentem. Annis adhuc et ætate floret AVREA AVGVSTORVM nostrorum FORTVNA, Serenissima Archidux Austriæ. Non corporis illa tantum, sed mentis inprimis perpetuam

petuam iuventutem agat. Non nisi canitie,
aliisque senectutis pretiis decoratam terris eripe,
cœloque inferre. Inspira illi, o Cœlestis
Amor, perpetuum Serenissimi Principis FRI-
DERICI AVGVSTI amorem, in numero-
sæ et nunquam defuturæ Serenissimæ Domui
prolis studium sese diffundentem. Fac illa
Regem Serenissimum, Optimum, Felicem, Pa-
trem patriæ, fac Serenissimam Reginam, Ocel-
lum Saxoniz, et Amore ipso amabiliorem,
fac Serenissimum Principem Regium, Spem
et Delicias nostræ gentis, fac denique Regiam
posteritatem auro cariorem ducat. O auream
tunc Principum nostrorum felicitatem! O au-
ream Fortunam Saxoniz! si nos in partem a-
moris huius uenire haud dedignatus fueris. Hoc
Fortunarum publicæ priuatæque consortium si
diuturnum Deus immortalis esse iubebit, melio-
ri iure Auream aliquando Societatem appella-
bimus, quam cuius a Serenissimo olim Saxoniz
Electore Christiano huius nominis primo in fi-
dei singularis præmium institutæ recordamur.
Tu uero summe Deus constantem ac durabi-
lem, et si quid preces nostræ ualent, perpetuam
nulloque tempore interruptam præsta Auream
hanc

hanc Societatem. Serua quam diutissime Au-
reos plane Saxoniae AVGVSTOS. Sic
Aurea semper uniuersae Saxoniae
erit Fortuna.

WITTENBERGAE
LITERIS VIDVAE GERDESIAE.
ANNO clō lōcc xviii

